

SUIKERINDUSTRIE APPÈLTRIBUNAAL

HANDLEIDING IN TERME VAN ARTIKELS 14 (1) en 51 (1) VAN DIE WET OP BEVORDERING VAN TOEGANG TOT INLIGTING WET NO. 2 VAN 2000

1. STRUKTUUR EN FUNKSIES (Artikel 14 (1) (a))

1.1 Die struktuur van die Suikerindustrie Appèltribunaal

1.1.1 Die Suikerindustrie Appèltribunaal ("die appèltribunaal") is in terme van die suikernywerheidsooreenkoms in 2000 gestig en bestaan uit : -

- (i) Drie persone aangewys deur die Suid-Afrikaanse Suikervereniging ("SASV");
- (ii) Een persoon aangestel deur die Suid-Afrikaanse Suiker Meulenaarsvereniging ("die Meulenaarsvereniging") ;
- (iii) Een persoon aangestel deur die Suid-Afrikaanse Rietkwekersvereniging ("die Rietkwekersvereniging").

1.1.2 Die Meulenaarsvereniging en die Rietkwekersvereniging, onderskeidelik, kan een of meer alternatiewe lede aanstel om op te tree in die plek van hulle eie aangestelde lede om in die afwesigheid of onvermoë van die aangesteltes op te tree.

1.1.3 Die lede van die Appèltribunaal, aangestel deur die SASV moet persone wees met geen direkte wesenlike belange in die suikerindustrie nie en sal nie 'n lid van die Suikerindustrie Administrasie Raad wees nie. Op 31 Julie van elke jaar, sal die aangestelde lid wat deur SASV benoem is en wat die langste in die amp is uittree en vervang word deur 'n nuwe benoemde. Elke lid aangestel deur die Meulenaarsvereniging en die Rietkwekersvereniging, onderskeidelik, sal jaarliks op 31 Julie uittree uit die amp en vervang word deur 'n nuwe benoemde.

1.1.4 Een van die aangestelde lede van die SASV word aangewys deur die SASV as die voorsitter van die Appèltribunaal en een van die ander lede as die ondervoorsitter.

1.2 Die funksies van die Suikerindustrie Appèltribunaal

1.2.1 Enige persoon wat 'n direkte belang het in 'n besluit, bevel, beslissing of uitspraak van die Suikerindustrie Administrasie Raad ("die Administrasie Raad") het die reg om te appelleer teen die besluit, bevel, beslissing of uitspraak. na die Appèltribunaal. Tensy anders bepaal deur die Suikernywerheidsooreenkoms,

2000, kan sodanige persoon, binne een en twintig (21) dae vanaf die datum waarin hy of sy in kennis gestel is van die besluit, bevel beslissing of uitspraak van die Administrasie Raad, 'n skriftelike appèl aanhangig maak by Administrasie Raad, by gebreke waarvan die reg tot appèl sal verval en die besluit, bevel, beslissing of uitspraak van die Administrasie Raad sal finaal en bindend wees. Die Administrasie Raad sal, by ontvangs van 'n kennisgewing van appèl, afskrifte van die kennisgewing van appèl aan elke ander party wat direk geraak word deur die besluit, bevel, beslissing of uitspraak, waarteen die appèl ingedien asook aan Appèltribunaal versend.

1.2.2 Funksies van die Appèltribunaal is soos volg:

- (i) aanhoor en beslis van enige appèl waar 'n reg tot appèl na die Appèltribunaal voor voorsiening gemaak is in die Suikernywerheidsooreenkoms, 2000 ;
- (ii) aanhoor van en beslis oor enige saak of kwessie ten opsigte van enige aangeleentheid wat na hom verwys is vir 'n besluit of opdrag deur die Administrasie Raad of die SASV ;
- (iii) aanhoor van en beslis enige dispuut wat mag ontstaan tussen 'n suikermeule en 'n suikerriet produsent voortspruitend uit 'n riet voorsienings ooreenkoms of enige ooreenkoms tussen die partye met betrekking tot die voorsiening of lewering van suikerriet;
- (iv) onderneem en oplos van enige aangeleentheid wat, ingevolge die voorwaardes van die Suikernywerheidsooreenkoms, 2000 resorteer, wat deur die Administrasie Raad onderneem moet word indien die Raad nie in staat is of in gebreke bly om dit dienooreenkomstig op te los as gevolg van 'n dooiepunt wat bereik is of vir enige ander rede;
- (v) die aanhoor en beslis oor enige saak wat, ingevolge die Suikernywerheidsooreenkoms, 2000, sal deur die Appèltribunaal bepaal word.

2. **KONTAKBESONDERHEDE (Artikel 14 (1) (b) en 51 (1) (a))**

Hoof van die liggaam:

Adv. O A Moosa SA

Voorsitter

Suikerindustrie Appèltribunaal

E-pos adres: oamoosa@law.co.za

Fisiese adres: Kwa-Shukela

170 Flanders Rylaan

Posadres: Mount Edgecombe
Posbus 700
Mount Edgecombe
KwaZulu-Natal
4300
Telefoon: 031 508 7103
Telefaks: 031 508 7192

Inligtingsbeampte:

Jennashree Govender
Regs-en Nakomingsbeampte
Suid-Afrikaanse Suiker Vereniging
E-pos adres: [Jennashree.Govender @ sasa.org.za](mailto:Jennashree.Govender@sasa.org.za)

Fisiese adres: Kwa-Shukela

170 Flanders Rylaan
Mount Edgecombe
Posadres: Posbus 700
Mount Edgecombe
KwaZulu-Natal
4300
Telefoon: 031 508 7103
Telefaks: 031 508 7192

3. **MENSEREGTEKOMMISSIE GIDS (Artikels 14 (1) (c) en 51 (1) (b))**

Ingevolge artikel 10 van die Wet op Bevordering van Toegang tot Inligting ("die Wet"), word van die Menseregtekommissie vereis om 'n gids op te stel, om persone van hulp te wees, wat hul regte in gevolge die Wet uit te oefen. Hierdie gids is beskikbaar vanaf die Menseregtekommissie by:

Adres: Forum 3, Braampark Office Park
Hoofd Straat 33
Braamfontein

Telefoon: 011 877 3600

Telefaks: 011 403 0668

Webwerf: www.sahrc.org.za

E- pos : info@sahrc.org.za

4. KATEGORIEË VAN REKORDS EN VERSOEKE PROSEDURE (Artikel 14 (1) (d) en 51 (1) (e))

4.1 Kategorieë van rekords van die Suikerindustrie Appèltribunaal

- 4.1.1 Notules van vergaderings van die Appèltribunaal;
- 4.1.2 Afskrifte van beslissings, toekennings en uitsprake van die Appèltribunaal;
- 4.1.3 Opnames en / of oorkondes van verhore voor die Appèltribunaal;
- 4.1.4 Korrespondensie met die Appèltribunaal;
- 4.1.5 Briewe van aanstelling van lede van die Appèltribunaal;
- 4.1.6 Reëls vir verhore voor die Appèltribunaal;
- 4.1.7 Menings van professionele adviseurs.

4.2 Versoeke Prosedure (Artikels 18 en 53)

- 4.2.1 Versoek vir inligting moet gerig word:
 - (i) aan die Inligtingsbeampte (waar die versoek gemaak word ingevolge artikel 18) of by die Hoof van die liggaam (waar die versoek gemaak word in gevolge artikel 53) deur gebruik te maak van bogenoemde kontak besonderhede;

- (ii) voltooi op die voorgeskrewe vorm ingevolge die Wet en die Regulasies daartoe;
 - (iii) verskaf voldoende besonderhede op die versoekvorm om die Inligtingsbeampte of Hoof van die liggaam, (soos die geval mag wees) in staat te stel om die rekord en die versoeker te identifiseer;
 - (iv) identifiseer die klas van toegang wat verlang word;
 - (v) waar 'n versoek namens 'n derde party gemaak word, moet die aansoeker bewys van magtiging verskaf, om so 'n derde party te verteenwoordig, tot die bevrediging van die Inligtingsbeampte of die Hoof van die liggaam (soos die geval mag wees);
 - (vi) indien die versoek ingevolge artikel 53 gedoen word, moet die aansoeker die reg identifiseer wat hy of sy soek om uit te oefen of te beskerm en 'n verduideliking verskaf van waarom die aangevraagde rekord benodig word vir die uitoefening of beskerming van daardie reg.
- 4.2.2 Die Inligtingsbeampte of die Hoof van die liggaam, soos die geval mag wees, sal die versoeker in kennis stel om die voorgeskrewe fooi (indien enige) te betaal voordat die versoek verder verwerk sal word.
- 4.2.3 Die Inligtingsbeampte of die Hoof van die liggaam, soos die geval mag wees, sal dan 'n besluit neem om die versoek toe te staan of nie en sal die versoeker in kennis stel on die voorgeskrewe vorm.
- 4.2.4 Indien die versoek toegestaan word, dan moet 'n verdere toegangsfooï betaal word vir die nasporing, reproduksie en voorbereiding, en vir enige tyd wat die voorgeskrewe ure oorskry het vir nasporing en voorbereiding van die rekord vir openbaarmaking.

NB: Let op die volgende:

4.2.5 Ingevolge die ooreenkoms van die Suikerindustrie, 2000, sal die verhore van die Appèltribunaal nie oop wees vir enige party wat nie direk geraak word deur die saak voor hom word; met dien verstande dat die voorsitter, of in sy of haar afwesigheid, die ondervoorsitter enigiemand mag toelaat met 'n voldoende belang in die saak, maar nie direk geraak word daardeur om teenwoordig te wees .

4.2.6 Hierdie Handleiding is voorberei ingevolge beide artikels 14 en 15 van die Wet, aangesien die Appèltribunaal in een geval 'n openbare liggaam mag wees en in 'n ander geval 'n privaatliggaam, na gelang van of die rekord ter sprake betrekking het op die uitoefening van 'n bevoegdheid of verrigting van 'n funksie as 'n openbare liggaam of as' n private liggaam. Waar dit 'n openbare liggaam is, moet die versoek om

toegang tot 'n rekord wat deur die Appèltribunaal gehou is ingevolge en in nakoming van artikel 11 van die Wet gemaak word. Maar waar die versoek om toegang tot 'n rekord in omstandighede is waar die Appèltribunaal 'n privaat liggaam is, moet so 'n versoek gemaak word ingevolge en in ooreenstemming met die bepalings van artikel 50 van die Wet .

4.2.7 Enige versoek om toegang tot 'n rekord van die Appèltribunaal mag geweier word op sterkte van enige rede vir weiering soos bepaal in Hoofstuk 4 van die Wet.

5. BESKIKBARE DIENSTE (Artikel 14 (1) (f))

Die dienste beskikbaar aan die lede van die publiek van die Appèltribunaal word uiteengesit in paragraaf 1.2 van hierdie Handleiding.

6. HULPMIDDELS BESKIKBAAR TEN OPSIGTE VAN 'N HANDELING OF VERSUIM OM OP TE TREE DEUR DIE APPÈLTRIBUNAAL (Artikel 14 (1) (h))

6.1 In terme van die Suikernywerheidsooreenkoms, 2000, mag 'n party tot 'n geskil, soos besluit deur die Appèltribunaal, binne een en twintig (21) dae vanaf die datum van die Appèltribunaal se besluit appèlleer by 'n provinsiale- of plaaslike afdeling van die Hooggeregshof van Suid-Afrika, wat jurisdiksie het oor die Appèltribunaal se bevinding deur die indiening by die Registrateur van die Hof ter sprake 'n kennisgewing tot appèl wat al die redes tot appèl uiteensit en dit op dieselfde dag of voordat so 'n appèl ingedien word aan die Sekretaris van die Appèltribunaal lewer. Sodanige appèl kan daarna verder gevoer word, onder andere ingevolge verdere bepalings van die ooreenkoms vir die Suikerindustrie, 2000.

6.2 Die appèltribunaal het geen interne appèl prosedures ten opsigte van enige beweerde versuim aan die kant van die appèltribunaal, die Inligtingsbeampte of die Hoof van die Tribunaal nie, wat ookal die geval mag wees, om te voldoen aan die bepalings van die Wet op Bevordering van Toegang tot Inligting. In sulke omstandighede sal van die versoeker vereis word om hom te beroep tot enige hof wat bevoegde jurisdiksie het. Dit sal geld vir enige situasie waarin die versoeker die versoek tot appèl wil aanteken of 'n besluit geneem deur die Inligtingsbeampte of die Hoof van die Tribunaal, na gelang van die geval mag wees.

7. BESKIKBAARHEID VAN TOEGANG TOT INLIGTING VAN DIE HANDLEIDING (Artikels 14 (3) en 51 (3))

7.1 Hierdie Handleiding sal beskikbaar wees vir kostelose inspeksie by die adres van die Appèltribunaal (sien 2 hierbo).

7.2 'n Afskrif van die handleiding is ook beskikbaar by die Menseregtekommissie (sien kontakbesonderhede in 3 hierbo).

7.3 Die handleiding sal gepubliseer word in die Staatskoerant en op die Appèltribunaal webwerf by www.sugartribunal.org.za
